



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-100-2/25**

Datum: **07.03.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica, «HGG INSAAT A.S.» Podružnica Zenica, za donošenje rješenja o vodnoj saglasnosti na projektnu dokumentaciju za aktivnost - prelaz preko rijeke Bosne dijela nadzemnog voda Al/Fe uže 50/8 mm² i izgradnja stubova sa nadzemnim vodom u naselju Nemila, grad Zenica radi izgradnje privremene gradilišne transformatorske stanice Stara Nemila u sklopu izgradnje autoceste na Koridoru Vc, na osnovu člana 109. stav (1) a u vezi sa članom 12. stav (1) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj saglasnosti**

1. Pravnom licu, «HGG INSAAT A.S.» Podružnica Zenica, daje se vodna saglasnost za aktivnost - prelaz preko rijeke Bosne dijela nadzemnog voda Al/Fe uže 50/8 mm² i izgradnja stubova sa nadzemnim vodom u naselju Nemila na dijelu zemljišnih čestica označenih kao k.č. broj: 617, 597/2 i 567/2 K.O. Orahovičko polje i k.č. broj: 666/2, 619, 620, 621, 622 K.O. Nemila, grad Zenica radi izgradnje privremene gradilišne transformatorske stanice Stara Nemila u sklopu izgradnje autoceste na Koridoru Vc, na osnovu projektne dokumentacije:
 - Glavni projekat «Prelazak dijela nadzemnog voda Al/Fe uže 50/8 mm² preko rijeke Bosne» urađen od strane «IBIS» d.o.o. Zavidovići (broj:10-IB-G/25, februar 2025. godine) te revidovan od strane «TEAM HIDRO» d.o.o. Sarajevo (broj: 14-04-02/20025, februar 2025. godine).

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o prostornom uređenju i građenju Zeničko-dobojskog kantona («Službene novine Zeničko-dobojskog kantona», broj 17/23).
2. Vodna saglasnost se donosi na osnovu pregleda dostavljene projektne dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja a ista će se koristiti u postupku pribavljanja odobrenja za građenje.
3. Vodna saglasnost se donosi na osnovu pregleda dostavljene projektne dokumentacije, utvrđenog činjeničnog stanja i pod sljedećim uslovima:
 - 3.1. Sve radove na polaganju nadzemnog voda Al/Fe uže 50/8 mm² preko rijeke Bosne i izgradnji stubova sa nadzemnim vodom na obalama rijeke Bosne u naselju Nemila, grad Zenica u cilju izgradnje privremene gradilišne transformatorske stanice Stara Nemila u sklopu izgradnje autoceste na Koridoru Vc, izvesti u skladu sa ovjerenom projektnom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa i svim ostalim podacima koji se uobičajeno vode kod ovakve vrste radova.
 - 3.4. Prilikom izvođenja radova na postavljanju betonskih stubova za kačenje kabla treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.5. Sve eventualne kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.

- 3.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obala i korita vodotoka, pogoršanje kvaliteta vode i dr).
- 3.7. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.8. U toku radova, iskopani materijal i otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
- 3.9. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.10. Investitor (korisnik vodne saglasnosti) je obavezan ispoštovati uslove iz Rješenja o urbanističkoj saglasnosti broj: 03-19-778/24 izdatog dana 03.09.2024. godine od strane Službe za urbanizam Grad Zenica.
- 3.11. Nakon završetka radova neophodno je radni pojas koji uključuje inundacioni pojas i obale rijeke Bosne urediti i očistiti od gradilišnih objekata, mehanizacije i gradilišnog otpada i isti vratiti u prvobitno stanje.
4. Ukoliko se izvođenjem radova na polaganju nadzemnog voda Al/Fe uže 50/8 mm² preko rijeke Bosne i izgradnji stubova sa nadzemnim vodom u naselju Nemila, grad Zenica radi izgradnje privremene gradilišne transformatorske stanice Stara Nemila u sklopu izgradnje autoceste na Koridoru Vc ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Korisnik vodne saglasnosti je dužan da prije početka izvođenja radova u saradnji sa nadležnim službama Grada Zenica riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
8. Po završetku predmetnih radova i obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
9. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na polaganju nadzemnog voda Al/Fe uže 50/8 mm² preko rijeke Bosne i izgradnji stubova sa nadzemnim vodom u naselju Nemila, grad Zenica u skladu sa tehničkom dokumentacijom iz tačke 1. dispozitiva ovog Rješenja.
10. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «HGG INSAAT A.S.» Podružnica Zenica, obratilo se ovoj Agenciji dana 05.03.2025. godine sa zahtjevom za donošenje rješenja o vodnoj saglasnosti za aktivnost - prelaz preko rijeke Bosne dijela nadzemnog voda Al/Fe uže 50/8 mm² i izgradnja stubova sa nadzemnim vodom u naselju Nemila na dijelu zemljišnih čestica označenih kao k.č. broj: 617, 597/2 i 567/2 K.O. Orahovičko polje i k.č. broj: 666/2, 619, 620, 621, 622 K.O. Nemila, grad Zenica, radi izgradnje privremene gradilišne transformatorske stanice Stara Nemila – ulaz 10(20)/0,4 kV, 2x630 kVA u sklopu izgradnje autoceste na Koridoru Vc, sekcija Vranduk-Nemila, u postupku pribavljanja odobrenja za građenje.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Ovjerena kopija Rješenja o registraciji podružnice stranog društva broj: 043-0-Reg-23-000876 izdatog dana 18.08.2023. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 16.05.2022. godine od strane Porezne uprave Federacije BiH - Kantonalni porezni ured Zenica,
- Ovjerena kopija Uvjerenja o registraciji/upisu u Jedinostveni registar obveznika indirektnih poreza broj: 04/1-17-1-UPJR/1-4087-2/22 izdatog dana 01.07.2022. godine od strane Uprave za indirektno – neizravno oporezivanje Banja Luka,
- Kopija Rješenja o prethodnoj vodnoj saglasnosti broj: UP-1/21-1-40-348-6/24 izdatog dana 21.08.2024. godine od strane «Agencije za vodno područje rijeke Save» Sarajevo,
- Kopija Rješenja o urbanističkoj saglasnosti broj: 03-19-778/24 za izgradnju privremene gradilišne transformatorske stanice Stara Nemila – ulaz 10(20)/0,4 kV, 2x630 kVA na trasi Koridora Vc, sekcija Vranduk-Nemila, izdatog dana 03.09.2024. godine od strane Službe za urbanizam Grad Zenica,
- Glavni projekat «Prelazak dijela nadzemnog voda Al/Fe uže 50/8 mm² preko rijeke Bosne» urađen od strane «IBIS» d.o.o. Zavidovići (broj: 10-IB-G/25, februar 2025. godine),
- Izvještaj o izvršenoj tehničkoj kontroli – reviziji projektne dokumentacije urađen od strane «TEAM HIDRO» d.o.o. Sarajevo (broj: 14-04-02/20025, februar 2025. godine),
- Dokaz o uplaćenju upravnoj taksi.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na izgradnji privremene gradilišne transformatorske stanice Stara Nemila – ulaz 10(20)/0,4 kV, 2x630 kVA u sklopu izgradnje autoceste na Koridoru Vc, sekcija Vranduk-Nemila u sklopu kojih je neophodno izvršiti polaganje dijela nadzemnog voda Al/Fe uže 50/8 mm² i izgraditi stubove sa nadzemnim vodom u naselju Nemila, grad Zenica, izrađena je projektna dokumentacija - Glavni projekat «*Prelazak dijela nadzemnog voda Al/Fe uže 50/8 mm² preko rijeke Bosne*» od strane «IBIS» d.o.o. Zavidovići, februar 2025. godine. Reviziju projektne dokumentacije uradila je projektna kuća «TEAM HIDRO» d.o.o. Sarajevo, februar 2025. godine.

Od strane Službe za urbanizam Grad Zenica, za izgradnju privremene gradilišne transformatorske stanice Stara Nemila – ulaz 10(20)/0,4 kV, 2x630 kVA na trasi Koridora Vc, sekcija Vranduk-Nemila, sa podzemnim vodom preko parcele označene kao k.č. broj: 1026/11 i stubnim mjestima nadzemnog voda lociranim na parcelama označenim kao k.č. broj: 1026/11, 622, 619 i 620 K.O. Nemila te 567/3 i 617 K.O. Orahovičko polje, grad Zenica izdato je pravnom licu «HGG INSAAT A.S.» Podružnica Zenica dana 03.09.2024. godine Rješenje o urbanističkoj saglasnosti broj: 03-19-778/24 sa određenim uslovima. Obzirom da je podnosilac zahtjeva pribavio Rješenje o urbanističkoj saglasnosti od nadležnog organa potvrđeno je da predmetna aktivnost nije u koliziji sa planskom dokumentacijom Grada Zenica.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-348-6/24 izdatog od strane ovog organa dana 21.08.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju data vodna saglasnost na istu.

U projektnoj dokumentaciji su priloženi situativni prikazi trase kablovskog voda u mjerilu 1:500, poprečni profil prelaska kabla preko rijeke Bosne u mjerilu M 1:100/100, tehnički opis i nacrti uobičajeni za ovaj nivo projektne dokumentacije. Prelaz nadzemnog voda Al/Fe uže 50/8 mm² preko rijeke Bosne (zemljišne čestice označene kao k.č. 597/2 K.O. Orahovičko polje i k.č. 666/2 K.O. Nemila) predviđen je premoštavanjem s jedne na drugu obalu montiranjem putem dva armirano betonska stuba visine 12,0 m locirana na dijelu zemljišnih čestica označenih kao vodno dobro (dio k.č. 567/2 K.O. Orahovičko polje - lijeva obala i dio k.č. broj: 620 K.O. Nemila - desna obala) i poplavno područje. Raspon između novoprojektovanih AB stubova (raspon iznad korita rijeke Bosne) iznosi 79,0 m.

Izgradnjom AB stubova na obalama rijeke Bosne planirana je nadzemna veza postojeće elektroenergetske mreže sa novom transformatorskom stanicom. AB stub na priključnom mjestu «A» (k.č. broj: 617 K.O. Orahovičko polje) i stubovi br 3, 4, 5 i 6 (k.č. broj: 619, 620, 621, 622 K.O. Nemila), predviđeni su na dijelu zemljišnih čestica koje se nalaze unutar linije dopiranja velikih voda rijeke Bosne ranga pojave 1/100.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama člana 114. Zakona o vodama i člana 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno, na osnovu člana 109. stav (1) i člana 114. a u vezi sa članom 12. stav (1) tačka 1. i stav (2) Zakona o vodama i članom 17. stav (1) tačka 15. Pravilnika o sadržaju, obliku, uslovima, načinu izdavanja i čuvanja vodnih akata, riješeno je kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.inž.građ.

Prilog:

- Ovjeren Glavni projekat «Prelazak dijela nadzemnog voda Al/Fe uže 50/8 mm² preko rijeke Bosne» urađen od strane «IBIS» d.o.o. Zavidovići (broj:10-IB-G/25, februar 2025. godine)
- Izvještaj o izvršenoj tehničkoj kontroli – reviziji projektne dokumentacije urađen od strane «TEAM HIDRO» d.o.o. Sarajevo (broj: 14-04-02/20025, februar 2025. godine)

Po ovlaštenju

Rukovodilac Sektora za izdavanje vodnih akata



Nihad Pezo, dipl.inž.građ.



Dostaviti:

- «HGG INSAAT A.S.» Podružnica Zenica (prilog)
Omladinsko naselje Nemila, 72000 Zenica
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava